

Inatsisartuni Ilaasortaq  
Lene Knüppel  
Inatsisartut Allaffeqarfia  
Maani

**Pineqartoq: Kommunalbestyrelsini nunaqarfinnut siulersuisuni kiisalu kommunini ataatsimiititaliani Inatsisartut suleriaasianni § 36 imm. 1 naapertorlugu oqarasuaatikkut ataatsimiittarnerit pillugit apeqqutigineqartut.**

***Apeqqut: Kommunalbestyrelsini nunaqarfinnut siulersuisuni ataatsimiititalianilu oqarasuaatikkut ataatsimiittarnernut inatsisitigut toqqammavissat.***

**1.** *Uppernarsarneqarsinnaanerluni, kommunalbestyrelsit nunaqarfinni aqutsisut il.il. pillugit Inatsisartut inatsisaanni nr. 20, 3. november 1994-imeersumi aalajangersakkat akornuseraat, qinikkat kommunalbestyrelsit nunaqarfinnilu aqutsisut ataatsimiinnerinut oqarasuaatikkut peqataasarsinnaanerat, tassunga ilanngullugit ataatsimiititaliat ataatsimiinnerinut?*

1-imut. Kommunit nammineerlutik suleriaasiat naapertorlugu arlaleriarluni takuneqarsinnaavoq, peqataasut timalimmik najuuttassasut.

§ 9-mi takuneqarsinnaavoq: *"Ilaasortat kommunalbestyrelsip taasinerinut taamaallaat peqataasinnaapput, inuttut namminneq taakkunani peqataagunik."* Taamaasilluni ilaaasortat timalimmik ataatsimiinnermi peqataasariaqarput.

§ 10-mi takuneqarsinnaavoq: *"Taasisoqartarpoq, ilaasortat iniminnit nikuinnerisigut imaluunniit nappaanerisigut"* Tamatumap timalimmik ataatsimiinnermut peqataanissaq piumasaqaatigaa.

§ 14. imm. 3-mi takuneqarsinnaavoq: *"Aalajangiinernut imaqarniliaq ataatsimiinnerit tamarmik naammassinerini, ilanngunneqartut atuarneqareersimalerpata, ilaasortanit tamanit ataatsimiinnermut peqataasunit atsiorneqartassaaq."* Tamatuma aamma piumasaqaatigaa ataatsimiinnernut timalimmik peqataasarnissaq taamalu oqarasuaatikkut ataatsimiinnerit mattullugit.

Kommunalbestyrelsit nunaqarfinnilu siulersuisut il.il. pillugit Inatsisartut inatsisaanni nr. 20, 3. november 1994-imeersumi paragraffit arlallit takutippaat Naalakkersuisut paasinninnerat malilluguttaaq, inatsisitigut toqqammavissaqaangitsoq oqarasuaatikkut ataatsimiittarnissat, soorluttaaq inatsisitigut toqqammavissaqaangitsoq, Naalakkersuisut Kommuniniluunniit Nakkutilliisut ataatsimiittarnerit oqarasuaatikkut ataatsimiinnertut ingerlanneqartarnissaannut immikkut ittumik akuersisuteqartarnissaat.

§ 12 imm. 2-mi aalajangersakkaat ataasiakkaat qiviaraanni, kommunalbestyrelsi aalajangiisinnaasuseqarpoq ikinnerpaamik ilaasortat affaat najuuppata.

§ 14 malillugu aalajangiinernut imaqarniliaq ataatsimiinnerup kinguninnguutigut ilaasortanit ataatsimiinnermut peqataasimasunit atsiorneqartassaaq.

§ 16 malillugu sinniisussaq ataatsimiinnermut peqataaqqullugu aggersarneqartassaaq. Taamatullu § 18, imm. 2-mi sinniisussaq ataatsimiititaliami ataatsimiinnermut peqataaqqullugu aggersarneqarsinnaavoq.

Ataatsimiitsitaliat § 23, imm. 2 naapertorlugu sulinitik ataatsimiinnertut ingerlattarpaat. Ikinnerpaamik affaat najuuttassapput. Tamanna aamma ataatsimiitsitalianut § 23, imm. 3-mi atuuppoq aalajangiinernut imaqarniliaq ataatsimiinnerup kinguninnguutigut ilaasortanit ataatsimiinnermut peqataasimasunit atsiorneqartassasoq.

Kommunalbestyrelsinut nalinginnaasumik suleriaaseq naapertorlugu taasinerni periutsit eqqarsaatigalugit atuuppoq taasinerit ima ingerlanneqartassasut, ilaasortat inigisaminnit nikuinnerisigut nappaanerisigulluunniit. Tamakku taasinerit tunngaviummik periutsit kommunalbestyrelsip suleriaatsiminiittut allanngortissinnaanngilai.

Taamatuttaaqtuuppoq, kommunalbestyrelsimut ataatsimiititaliannullu siulittaasup qularnaartassagaa, taasinerit periutsit taakku naapertorlugit ingerlanneqartarnissaat, soorluttaaq pineqartup qularnaartassagaa, sulianik matoqqasumik suliarineqartartussanik suliarinnineq matoqqasumik aamma ingerlatsisoqartarnissaa. Tamannali isumannaarinninnerunngilaq, peqataaneq oqarasuaatikkut ataatsimiinnernut ingerlanneqarsinnaappat. Pingaartumik ataatsimiititaliani ataatsimiinnerit eqqarsaatigalugit taamatummi ataatsimiinnerit tamanut saqqummiunneqartartuunngimmata.

**2. *Ilanngullugu uppersarsarneqarsinnaava, ukiorpassuarni periuuserineqarsimanersoq Naalakkersuisuni ataatsimiittarnerit oqarasuaatikkut ingerlanneqartarnerat, tassunga ilanngullugit ataatsimiinnerit isertuunneqartariaqartunik imaqartut?***

2-mut. Uppersarsarneqarsinnaavoq Naalakkersuisut ukiuni arlalinni pisariaqarnerat naapertorlugu oqarasuaatikkut ataatsimiinnerit ingerlatsisarsimanerat. Inatsisartut Naalakkersuisullu pillugit Inatsisartut inatsisaanni nr. 11, 20. oktober 1998-imeersumi qulaani pineqartut pillugit aalajangersagaqanngilaq taamaattumillu akornutissaqartinneqarani Naalakkersuisut ataatsimiinnerminnik oqarasuaatikkut ataatsimiinnertut ingerlatsisarsinnaanerit.

**3. *Apeqqtu 1) uppersarsarlugu akineqassappat, taava Naalakkersuisunit iliuuseriniarneqarpa pisutsip taassuma allanngortinniarneqarnissaanut allannguutissatut siunnersuummik saqqummiussisaaq, tamatuma kingorna qularnaatsumik inatsisitigut toqqammavissaqartoqalerluni, ataatsimiinnernik pineqartunik oqarasuaatit allatulluunniit nutaaliaasumik teknik atorlugu ingerlanneqartalersinnaanerit, taamaasilluni piumasagaataajunnaarluni peqataasut timitalimmik naapeqatigiitarnissaat?***

**4. *Taamaattoqassappat 2006-imi pissutsit allanngortinniarlugit Naalakkersuisut siunnersuummik saqqummiussilersaarpat?***

3 aamma 4-mut. Aaqqissuussaannermut kommissioni nalunaarusiamini arlalinnik kaammattuuteqarsimavoq Kalaallit Nunaanni kommuneqarfiit siunissami qanoq aaqqissuunneqarsimassanersut. 2006-imi Inatsisartut upernaakkat ataatsimiinnerminni kaammattuutit tamakku oqaluuseris-savaat. Aamma Inatsisartut suliarinninnerat sioqqullugu kaammattuutit KANUKOKA-mit, borgme-sterinit oqartussaasunillu allanit attuumassuteqartunit oqaloqatigiissutigineqaqqaassapput. Tamatuma kingorna aatsaat Naalackersuisunit inatsisissatut aalajangersimasumik siun-nersuutinngorlugit aaqqissuussaannermut kommissionip kaammattuutai qanoq piviusunngortinneqas- sanersut isummerfigineqarsinnaapput. Naalackersuisut naatsorsuutigaat, inatsisissatut suliniutit isummerfigineqarnissaannut atatillugu eqqarsaatersuutit ilanngunneqassasut soorlu assersuutigalugit siunissami kommunini ataatsimeeri- assissani videot atorlugit ataatsimiittoqarsinnaasassanersoq.

*5. Apeqqu 1) uppersarlugu akissuteqarfigineqassappat, Naalackersuisut kaammattorusuppakka missaliummik saqqummiusseqqullugit, ukiumoortumik inuiaqatigiinnut qanoq akeqartarnersoq, aalajangiusimassallugu, ataatsimiinnerit pineqartut timitalimmik najuulluni ingerlanneqartarnis- saat.*

5-imut. Naalackersuisunit immikkuutitaarmik paasissutissaatigineqanngillat, kommunit kommunal- bestyrelsini aamma ataatsimiititaliani ataatsimiinnernut atatillugit angalanernut anin- gaasartuutigisartagaat.

Taamaattumik imaasiallaannaq periarfissaqanngilaq piviusorsioortumik missaliumsinermik saqqummiussinissaq ataatsimiinnernut taakkununga ingerlatsinermi aningaasartuutit pillugit

Ikinngutinnersumik inuulluaqqusillunga

Hans Enoksen  
Naalackersuisut Siulittaasuat